

1 Tetadönitenteidi

inänite Pabodo cadota ante tänota nänö yewæmongainta

**Pabodo, Waa quëwëedäni,
ante apænecäimpa**

1 ¹ Botö Pabodobo inömo imopa. Mönö töninäda Tidibänö tönö Tımoteo tönö godongämæ apænete ate yewæmömo aedäni. Mönö Mæmpo Wængonguï nempo ayæ mönö Awënë Itota Codito nempo quëwëninque minitö Tetadönica iñömö quëwëninque Codito ingante godongämæ mïni pönencabo ëñëedäni. Mönö Wængonguï waadete pönö cæcä ate minitö gänë entawencæmïnimpa, ante yewæmömönipa.

Tetadönitenteidi nani wede pönëno

² Mönitö möni apæneyedë minitö tömämïni beyæ ante Wængonguï ingante cöwë waa ate pönëninque apænemönipa. ³ Minitö Itota ingante æbänö wede pönente cæmïni imïnipa, ante ayæ tömengä ingante waadete pönëninque æbänö cæmïni imïnipa, ante cöwë apænemönipa. Ayæ minitö wæwëmïni incæ, Mönö Awënë Itota Codito pongä ate watapæ bacäimpa, ante pönëninque æbänö wæntæye inämaï ee cæmïni imïnipa, ante adinque mönitö Wængonguï mönö Mæmpo weca æyedëmë ponte apænedinque cöwë mäninö ante pönëninque apænemönipa. ⁴ Mönitö töninäamïni, minitö Wængonguï nänö në waademini inömmïni inte ëñëedäni. Tömengä minitö imïnite apænte ængacäimpa, ante do ëñëmönipa. ⁵ Edæ Itota ingantedö ante mönitö watapæ möni apænedö ante

wïi önonquedö ante apænetamönipa. Wæætë Wængonguï nämä tæi piñænte në angä beyænque mönitö minitö imïnite apænedinque Awënë inte bai apænetamönipa. Wængonguï Önöwoca mönitö tönö godongämæ cæcä beyænque mönitö mäninö möni watapæ apænedö ante, Nö impa, ante ædæmö pönëninque apænetamönipa. Mänömaï apænemöni ëñëmïni adinque mönitö, Wængonguï minitö imïnite apænte ængacäimpa, ante do ëñëmönipa. Ayæ minitö weca quëwëninque mönitö æbänö minitö beyæ ante quëwentamönii, ante do ëñëmïnipa.

⁶ Wængonguï Önöwoca watapæ nänö topämo ante pönongä ænimïni inte minitö nanguï caate wæmïni incæte Wængonguï nänö angainö ante ëñëninque Ao ante æmïnitapa. Mönitö æbänö cæmönii, ante adinque Awënë Itota Codito æbänö cæcää, ante adinque minitö adobaï möni cæbaï cæmïni bamïnitapa. ⁷ İninque Mäatedöniabæ quëwënanï tönö Acayabæ quëwënanï iñömö Itota Codito ingante në pönënanï inönäni inte tömënanï tömänäni mïni cædi adinque mïni cæbaï adobaï cædänitapa. ⁸ Minitö wede pönëninque apænemïni beyænque Wængonguï nänö angainö ante Mäatedöniabæ quëwënanï tönö Acayabæ quëwënanï ëñënanï incæte wïi mänii mëñömongaque iñömö quëwënanï ëñënanïpa. Wæætë ædömë quëwënanï iñönänite wadäni minitö Wængonguï ingante mïni wede pönëmämo ante tededäni do ëñënanïpa. İninque mönitö mänii beyæ quinante godömenque apænequii. ⁹ Edæ,

Mönitö minitö weca eñacæ pöningue apænemöni eñëningue minitö æbänö watapæ eñëminitapa, ante mäninäni në pönëni incæ apænedäni eñëmönipa. Ayæ adodäni minitö iminitedö ante iïmai ante apænedänipa. Minitö, Mönitö wængonguiidi impa, ante mïni cönönincacoo incæ emö cæte wadæ pöningue mönö Wængongui gämænö pöminitapa, ante apænedäni eñëmönipa. Ayæ, Näwä Wængongui në Quëwëongä ingante eñente cæcæmönipa, ante pöminitapa, ante apænedäni eñëmönipa. ¹⁰Ayæ tömengä Wengä öönæde në quëwëongä inte ocæ emænte poncæcäimpa, ante minitö wänö cömïni iminipa, ante apænedäni eñëmönipa. Tömengä do wængaingä iïngante Wængongui, Nïni ömæmöe, angä në nïni ömæmongaingä ingampa. Iïningue Wængongui mönö imonte nänö piïnte panguiämämo ante wæyömonte tömengä Wengä iïömö ængä beyænque quëwenguimö imompa.

Pabodo Tetadönica iïömö nänö cædö

2 ¹Mönitö tönïnamini eñeedäni. Mönitö minitö weca möni eñacæ pönedë möni cædinö wïi önonque impa, ante minitö do eñëminipa. ²Mönitö do mïni eñëninö bai mönitö wëneñedë Pidipoto iïömö quëwëñömönite mäniïömö quëwënäni mönitö imönite wënæ wënæ cædäni beyænque wæwente intamönipa. Adodäni mönitö imönite, Minitö wënæ wënæ cæmïni iminipa, ante tedewënäni eñëningue wætämönipa, ante minitö adobai eñëminipa. Ayæ minitö weca ponte quëwëñömönite waodäni tæiyænäni mönitö imönite Baa ante, Minitö apænedämai incæminipa, ante wææ änäni incæte Wængongui mönitö tönö godongämæ cæcä beyænque tömengä ingantedö ante watapæ möni apænedö ante minitö iminite guïñänämai apænetamönipa.

³Edæ mönitö, Wængongui ingante pönëmïni iïningue waa imaimpa, ante minitö iminite nanguï apænemöni

inte wïi babæ wapiticæ pönëningue apænemönipa. Wïi wentamö entawëningue pönente apænemönipa cæmïni. Ayæ adobai, Minitö oda cæcæminimpa, ante cædämai inte mönitö wïi wapiticæ apænemönipa. ⁴Wæætë Wængongui mönitö imönite apænedinque, Waa cæmïni abopa, äningue, Minitö Itota ingantedö ante botö watapæ apænedö ante në apænemïni eñencædänimpa, ante angä eñëningue mönitö në apænemöni imönipa. Mönitö, Waodäni mönitö imönite waa acædänimpa, ante cædämai inte wæætë, Wængonguinque mönitö imönite waa acæcäimpa, ante cædinque apænemönipa. Edæ tömengä, Æbänö entawëminii, ante mönö entawëñömö ante në acä ingampa. ⁵Wadäni nämä beyænque ante, Waa tedemöni eñëningue mönitö imönite wæætë pönö cæcædänimpa, ante babæ cædäni bai mönitö iïömö dicæ mänömainö ante minitö iminite babæ cætämönïyaa. Mänömainö ante do eñëminipa. Ayæ, Mönitö wïi minitö godonte äïnta ante beyæ apænetamönipa, ante do eñëminipa. Æbänö cætämönipa, ante Wængongui në acä ingampa. ⁶Waodäni mönitö imönite waa acædänimpa, ante mönitö dicæ ämönitawogaa.

Ayæ, Minitö incæ wadäni incæ mönitö imönite waa acædänimpa, ante dicæ ämönitawogaa. ⁷Edæ, Itota Codito nänö da godongaïmöni inömöni inte mönitö minitö iminite, Pönömïni äningue quëwëncæmönimpa, ämöni bai waa incædönimpa. Wæætë minitö weca quëwëningue mönitö wäänä nänö wëñænäni guiyänäni inänite ædæmö cædä bai adobai minitö iminite cætämönipa. ⁸Minitö iminite nanguï pönï waadete pönëmöni inte mönitö, Itota ingantedö ante Wængongui nänö watapæ apænedö ante minitö iminite apænedinque watapæ totamönipa. Ayæ minitö nö möni në waademïni iïömïnite mönitö minitö beyæ quëwentämönipa. Ayæ minitö beyæ wæmöni incæ adobai watapæ tobaïmönipa. ⁹Mönitö

töniñamini eñeedäni. Nangui põni möni cædinö ante minitö do eñëminipa. Itota ingantedö ante Wængongui nänö watapæ apænedö ante mönitö minitö weca quëwente apænedinque, Möni quëwengæimpa, ante wiï eyepæ godö wædö ante dicæ antamöniyaa. Wæætë edæ, Minitö wædämaï incæminimpa, ante mönitö itædë incæ woyowotæ incæ tömëmöni nangui cædinque ænte quëwentamönipa.

¹⁰Minitö nê wede pönëmini weca quëwëninque mönitö tæiyæ waëmö ëwocamöni inte nö cæte quëwëñömönite minitö, Wënæ wënæ cæminipa, ante ædö cæte anguimïni. Wæætë mönitö cædinö adinque minitö, Mönitö æbänö quëwëmöni imönii, ante do amïni inte nê apænëmini iminipa. Wængongui adobaï ante do acä ingampa. ¹¹Edæ waocä mæmpocä tömengä wëñænäni iñönänite tömengä, Minitö eñenguimïni, ante odömongä baï mönitö adobaï minitö tömämïni iñömïnite adocanque adocanque ingante, Bitö eñenguimï, ante odömonte apænetamönipa. Mänömaï cætamönipa, ante minitö do eñëminipa. ¹²Mini quëwënö adinque Wængongui tocæcäimpa, ante cædinque minitö tæiyæ waëmö quëwencæminimpa, ante mönitö nanguï apænetamönipa. Ayæ, minitö mänömaï cæte quëwencæminimpa, ante waadete apænetamönipa. Ayæ adobaï mönitö wæætë wæætë apænedinque minitö imïnite adodö ante ancaa apænetamönipa. Wængongui iñömö, Botö Awënë Odeye nempo quëwëninque minitö botö nãö ëmönömö botö tönö godongämæ quëwencæminimpa, ante tömengä minitö imïnite aa pedinque apænte ængampa.

¹³Ayæ adobaï mönitö Wængongui nänö angainö ante minitö imïnite apænëmöni eñëninque minitö ö ænte do pönëminitapa. Näwangä Wængongui nänö angainö impa, ante adinque minitö, Wiï waodänique nani angainö impa, ante pönëninque wæætë, Näwangä Wængongui nänö angainö impa, ante pönëninque ö æminitapa.

Iñinque minitö nê wede pönëmini inte Wængongui nänö angainö entawëmini beyænque nanguï cæmini iminipa, ante eñëninque mönitö Wængongui ingante cöwë waa ate pönente apænëmönipa. ¹⁴Oodeabæ iñömö Wængongui ingante godongämæ nani pönencabo iñömö tömengä nempo quëwëñönänite oodeoidi tömënäni inänite togænte pänäni wædäni baï minitö mönitö töniñamini iñömïni minitö ömæ iñömö nê quëwënäni incæ minitö imïnite adobaï cædäni wæminitapa. Mänömaï cædäni wædinque minitö Oodeabæ iñömö Wængongui ingante godongämæ nani pönencabo wædäni baï adobaï wæmini baminitapa.

¹⁵Oodeoidi iñömö Wængongui beyæ nê apænëgainäni inänite wænönäni wængadänimpa. Ayæ ate tömënäni pæinäni iñömö Itota Codito ingante wænönäni wængacäimpa. Ayæ nïwodäni adocabodäni incæ mönitö imönite adobaï togænte wido cædänitapa. Mäninäni nani cædinö adinque Wængongui tömënäni inänite ædö cæte waa aquingäa. Adodäni incæ waodäni tömänäni inänite piunte quëwënönänimpa töö. ¹⁶Edæ oodeoidi inämaï inäni inänite, Codito ængä beyænque minitö quëwencæminimpa, ante apænedämaï incæminimpa, ante cæcæte ante mäninäni oodeoidi incæ mönitö imönite Baa äninque wææ cædänipa töö. Mänömaï cöwë wënæ wënæ cædinque tömënäni wæætë wæætë nani wënæ wënæ cædincoo idæwaa cædänipa. Idæwaa i ïninque Wængongui nänö ængui bate piimämö tömënäniya do pongatimpa.

Tetadönitenteidi weca Pabodo ëñacæ pöinente wæcampa

¹⁷Incæte mönitö töniñamini eñeedäni. Tömënäni änäni beyæ mönitö minitö imïnite ëmö cæte godinque wiï wantæpiyæ ante gotamönipa. Godinque minitö imïnite adämaï imöni incæte mönitö minitö beyæ ante cöwë pönentamönipa. Minitö imïnite nanguï

aĩnente wæmõni inte mõnitõ, Æbänõ cæte goquimõnii, ante pönëninque nanguĩ cætamõnipa. ¹⁸Edæ mĩnitõ weca pöĩnente wætamõnipa. Botõ Pabodobo inõmo inte wæætë wæætë nõ pöĩnëmo intabopa. Mõnitõ pöĩnëmõni incæte Tatána wæætë mõnitõ imõnite wææ cæcä wætamõnipa. ¹⁹Mõnõ Itota Codito nänõ ponguionæ tömengä weca ongõninque mõnitõ æbänõ ante beyæ watapæ bacæimpa, ante pönëmõni imõnii. Wĩi mĩnitõ beyænque toquimõnii. Edæ nõ pönëmĩni inõmĩni inte mĩnitõ do mõni nõ watapæ todõmĩni imĩnitapa. Ayæ waodáni tæi emonte gänä cædinque poganta ænte todáni bai mĩnitõ beyænque ante mõnitõ nõ toquimõni imõnipa. ²⁰Näwangä impa. Waa põni cæmĩni ininque mĩnitõ mõni nõ waa amĩni inõmĩni inte mõni nõ watapæ todõmĩni imĩnipa.

3 ¹Mänõmaĩ beyæ mõnitõ, Mĩnitõ imĩnite adãmaĩ inte awædõ, äninque, Ædõ cæte godõmenque wänõ cõmõni inguimõnii, ante pönëninque mõnatõ adomõnaque Atëna inõmõ ongonguenëmõna imõnapa, ante pönente wætamõnapa. ²Ayæ Tĩmoteo nõ mõnõ tõiñiñacä ingante mĩnitõ weca ante da pönõmõna pongantapa. Tõmengä inõmõ Wængonguĩ tõiñõ godongãmæ cædongä inõngante Itota mõnõ Codito ingantedõ ante mõnõ watapæ apænedeõ ante eñencædänimpa, ante odõmonte apænedongä ingampa. Tõmengä mĩnitõ imĩnite, Mĩni wede pönëñõ ante tæi ongonte quëwëedäni, ante ayæ, Wampo pönëninque tæi piñænte cæedäni, ante ædæmõ apænecæcäimpa, ante mõnatõ tömengä ingante da pönõmõna pongantapa. ³Wadáni mĩnitõ imĩnite quiëmë cædäni caate wæmĩni incæte tõmãmĩni wadõ pönëñamãi inte ñimpo cædãmaĩ incæmĩnimpa, ante cædinque Tĩmoteo ingante da pönõmõna pongantapa. Mõnõ imonte cõwë mänõmaĩ cædäni caate wæquënëmõ imõmpa, ante mĩnitõ do edonque põni eñëmĩnipa. ⁴Ayæ mĩnitõ weca mõni quëwëñedë mõnitõ mĩnitõ imĩnite apænedinque,

Mõnõ imonte quiëmë bai togænte panguinäniðõ angüenë, ante wæætë wæætë apænetaimõnipa. Edæ mĩnitõ eñëñõ bai mäninõ do batimpa. ⁵Mänõmaĩ beyæ botõ, Ædõ cæte godõmenque wänõ cõmo inguimoo, ante, Mĩni wede pönëñõ æbänõ impa, ante botõ eñencæboimpa, ante Tĩmoteo ingante da pönõmo pongantapa. Wænæ awënë, Oda cæe, ante nõ ænewënongå inõmõ mĩnitõ imĩnite, Oda cæedäni, angä eñëninque mĩnitõ wabänõ eñëmĩnimpa, ante botõ ancai guĩñente wætabopa. Mänõmaĩ eñente cæmĩni ininque mõnitõ cædinõ wo ewente babaimpa, ante pönentabopa.

⁶Incæte Tĩmoteo mĩnitõ weca quëwëninque ñõwoque mõnitõ weca ocæ emænte pongantapa. Mĩni wede pönëñõ ante apænedinque tömengä, Wede pönëñanipa, angantapa. Ayæ, Në waadete pönëñäni inänipa, ante apænecä eñentamõnapa. Mĩnitõ mõnatõ beyæ cõwë waa pönëmĩni imĩnipa, ante tömengä apænecä eñentamõnapa. Ayæ mõnatõ mĩnitõ imĩnite ainëmõna inte wæmõna bai mĩnitõ adobai mõnatõ imõnate ainëmĩni inte wæmĩni imĩnipa, angantapa. ⁷Mänõmaĩ beyæ mõnitõ tõiñiñamĩni eñëedäni. Quiëmë beyæ wæmõna incæ ayæ mõnatõ imõnate togænte pänäni wæwëmõna incæte mõnatõ mĩni wede pönëñõ beyænque wæætë wampo pönente batamõnapa. ⁸Mĩnitõ mõnõ Awënë ingante ñimpo cædãmaĩ pönëmĩni beyænque mõnatõ ñõwo wampo pönente bai quëwëmõna imõnapa. ⁹Mõnatõ mõnõ Mæmpo Wængonguĩ weca ongõninque mĩnitõ beyæ nanguĩ watapæ tomõna inte wæætë apænemõnapa. Incæte mĩnitõ beyæ ante Wængonguĩ ingante ædõ cæte waa ate pönente eyepæ apænëquimõnaa. ¹⁰Mĩnitõ mĩni wede pönëñõ ante æbänõ ayæ wĩi eyepæ pönëmĩnii, ante wæmõnipa. Ininque, Mĩnitõ imĩnite wæætë adinque mõnitõ odõmonte apænëmõni eñëninque mĩnitõ eyepæ pönencæmĩnimpa, ante cædinque mõnitõ woyowotæ itædë Wængonguĩ

ingante nö nangui pönī apænemöni imönipa.

¹¹ Wængongui mönō Mæmpo incæ mönō Awënë Itota Codito tönō möni goquinō ante töinō pīnonte bai cæda ate mīnitō weca gocæmönimpa. ¹² Mönitō mīnitō imīnite godömenque waadete pönemöni bai mönō Awënë Itota pönō cæcā ate mīnitō adobai mīnitō weca wacā ingā wacā ingā godömenque godömenque waadete pöncæmīnimpa, ämönipa. Ayæ waodāni tömānāni inānite godömenque waadete pöncæmīnimpa, ämönipa. ¹³ Tömengä pönō cæcā beyænque mīnitō täimō entawente incæmīnimpa, ämönipa. Edæ mönō Awënë Itota quināni nē täiyæ waemō ewocadāni tömānāni tömengä tönō godongämæ poncædānimpa. Tömēnāni nāni pöñedē mīnitō iñömō Wængongui mönō Mæmpo weca pōmini adinque tömengä ædō cæte, Wænæ wænæ cæmīni imīnipa, ante anguingää. Mīnitō täiyæ waemō ewocamīni incæmīnimpa, ämönipa.

**Wængongui waa acæcäimpa,
ante mönō quëwënō ante**

4 ¹ Mönitō tönīñamīni eñēedāni. Adodeque ayæ apænequimöni imönipa. Mīni quëwënō ante Wængongui waa acæcäimpa, ante mönitō, İmaī quëwēedāni, ante do wææ odömōnte apænemöni eñēmīnitawo. İnīnque mīnitō Ao ante quëwënömīni imīnipa. Nōwo iñömō mönitō Awënë Itota emōwo ante apænedinque mīnitō imīnite, Mānīnonque ante gomonga cæte quëwencæmīnimpa, ante ancaa apænemönipa.

² Awënë Itota nānō änō ante eñente cædinque mönitō mīnitō imīnite wææ äninque, İmaī cæedāni, antamönipa. Mānīnō möni wææ ante odömōnte apænedō ante mīnitō do eñēmīnimpa.

³ Wængongui nānō änō iñömō İmaī impa. Mīnitō iñömō täiyæ waemō ewocate quëwenguënēmīni imīnipa. Wacā nänöögæ ingante godō towente cædāmaī inte edæ önonque mīni

nänöögænque quëwenguënēmīni imīnipa. ⁴ Onguiñæmīni tömāmīni iñömō, Botō moncæboimpa, ante cædinque mīnitō, Æbänō cæte nänöögæ æmo ate Wængongui tönō waodāni waa aquināni, ante eñenguënēmīni imīnipa. Mīnitō, Täiyæ waemō ewocadinque ængæimpa, ante eñenguënēmīni imīnipa. ⁵ Wīi wadāni bai, Wængongui ingante æbänō ingaingā ingää, ante eñēnāmaī ināni bai onquiyænque ante nāni towēnonque ante pönēnāmaī quëwencæmīnimpa. ⁶ Mānīnō ante nē pönengä iñömō, Botō tönīñacā nänöögängä ingampa, ante pönēninque tömengä nänöögæ ingante towente cædāmaī inīnque tömengä ingante wænæ wænæ cædāmaī incæcäimpa.

İmaī wænæ wænæ cædāni inānite Awënë Itota pancæcäimpa. Wēñēñedē mānīnō ante mīnitō imīnite apænedinque do wææ angamönimpa. ⁷ Edæ Wængongui mönō imonte wīi, Towencæmīnimpa, ante apænte ængacäimpa. Wæætē, Mīnitō täiyæ waemō ewocate quëwencæmīnimpa, ante tömengä mönō imonte apænte ængacäimpa. ⁸ Mānōmaī beyæ æcänō mānīnō ante Pabodo nānō, İmaī cæedāni, ante nānō wææ odömōnte apænedō eñēninque Baa äna iñömō tömengä wīi waodānique inānite eñēnāmaī inte Baa angä ingampa. Wæætē Wængongui mīnitō imīnite nānō Täiyæ Waemō Önōwoca nē pönongä ingante eñēnāmaī inte Baa angä apa quëwēmīni.

⁹ Mīni pöncæbo mīni tönīñadāni iñönānite mīni waadete pönēnō ante mönitō quinante yewæmonguimönii. Edæ mīnitō tömēmīni imīnite, Wacā ingā wacā ingā waadete pöncæmīnimpa, ante Wængongui odömōnte apæncä eñēmīnitapa töö. ¹⁰ Nö impa. Mäatedöniabæ tömämæ iñömō mönō pöncæbo mönō tönīñadāni tömānāni inānite do waadete pönēmīni imīnipa. Incæte möni tönīñamīni, Mīnitō mānīnō ante gomonga cæte quëwencæmīnimpa, ante

ancaa apænemönipa. ¹¹Minitö piyæñe cæte quëwencæminimpa. Wadäni, Æbänö cæquëñenäni inänii, ante cöwë äñämaï incæminimpa. Ayæ, Wæntæye inämaï inte mîni önompoca cæte quëwencæminimpa. Mäninö do möni apænedö bai mînitö, Cæinëmönipa, ante cæcæminimpa, ämönipa. ¹²Mänömaï cæmîni bai iimö iñö iimö iñö mîni quëwënö adinque wadäni nê pönëñämaï inäni wæætë mînitö imînite waa cæädänimpa. Ayæ adobai mînitö waodäni inänite, Pönömîni æncæmönimpa, ante änewëñämaï quëwencæminimpa.

**Mönö Awënë Itota nänö
ocæ ëmænte ponguïönæ**

¹³Mönitö töninämîni ëñëedäni. Nê æmæwo wængainäni iñömö æbänö baquïnäni, ante mînitö ëñencæminimpa, ante yewæmömönipa. Wadäni, Mönö ñäni ömæmongæimpa, ante pönëñämaï inäni inte wæwënäni bai mînitö wii adobai wæwëmîni incæminimpa, ante yewæmömönipa. ¹⁴Itota æmæwo wæningä incæ ñäni ömæmonte inongäimpa, ante pönëmö imompa. Itota ingante pönente nê wængainäni iñönänite Wængongui iñömö mäninäni inänite Itota tönö tömengä weca ænte mämongä poncæädänimpa, ante adobai pönëmompa.

¹⁵Wængongui nänö apænedö bai mönitö iimäi ante mînitö imînite apænemönipa. Awënë Itota nänö ponguïönæ mönö nê miiimö quëwëmö inte ayæ ongömö iñömö mönö wii täno tömengä weca gocæmöimpa. Wæætë tömengä ingante pönëninque nê æmæwo wængainäni inte mäninäni iñömö täno goquïnänidö anguënë. ¹⁶Edæ mönö Awënë Wængongui nänö wææ änonque ante yedæ äñongä Wængongui anquedoidi tæiyæ awënë aa pecæcäimpa. Wængongui todompeta nani ancadeca adocanque we we öncæ cæyongä mönö Awënë Codito incæ öönædë quëwente pö wææncæcäimpa. Pö wææñongä tömengä ingante nê pönente wængainäni

tömëñäni täno ñäni ömæmoncæädänimpa. ¹⁷Ayæ ate Wængongui cæcä beyænque mönö nê miiimö quëwëmö inte ayæ ongömö iñömö mönö tömëñäni tönö godongämæ boguimancodë æicæmöimpa. Boguimancodë æidinqe mönö Awënë öönædë inö wææ pönongante mönö tömengä ingante bee tencæmöimpa. Ìninqe cöwë Awënë weca quëwencæmöimpa. ¹⁸Mänömaï beyæ, Mönö Awënë Codito incæ öönædë quëwente pö wææncæcäimpa, ante pönëninque wampo pönencæädänimpa, ante cædinque mînitö wacä ingä wacä ingä ædæmö apæneedäni.

5 ¹Nöwo mönitö töninämîni ëñëedäni. Æönædö mänii baquii, ante mînitö imînite ædö cæte yewæmonguimönii. ²Edæ mönö Awënë Itota nänö ponguïönæ iñömö nê awëmö ængä woyowotæ iñontobæ pö guicä bai iñontobæ baquïnö anguënë, ante mînitö tömëmîni waa ëñëmînipa edæ. ³Waodäni, Mönö piyæñe cæte guinënämaï quëwëmompa, ante nani tedeyedë ënegä iñontobæ wëñæ nantate wæcä bai tömëñäni adobai iñontobæ nani ömæe ewenguinö baquïnö anguënë. Ìninqe ædö cæte wodii winonguïnänii.

⁴Incæte mînitö mönitö töninämîni ëñëedäni. Mänionæ nani wæwente ëönæ nê awëmö ænongä pö guicä bai iñontobæ iinque bayonte mînitö wii wëmö iñömö quëwëmîni inte guinënämaï incæminimpa. ⁵Mînitö Wængongui wëñæmîni imîni ininqe ñäö iñömö tömämîni quëwëmîni imînipa. Mönö cöwë wentamö iñömö cædönäni bai wii imöimpa. ⁶Mänömaï beyæ mönö wii wadäni mö ñönäni bai mongæimpa. Wæætë mönö ñäni ömæmöninque nāmā wææ ante quëwëmö ingæimpa. ⁷Edæ tömëñäni nê mönäni iñömö woyowotæ mönäni inänipa. Ayæ wadäni ti nāmæ bedinque nê quidi quidi dowænte inäni iñömö woyowotæ bete badänipa. ⁸Incæte mönö ñäö iñömö cægömö inte nāmā wææ ante quëwëmö ingæimpa. Tæineta wææ wëñiate bai

cædinqwe Itota ingante mönō wede pönēnō ante mönō waadete pönēnō ante mönō entawente quēwengæimpa. Tæineta ocabogata wææ encate bai cædinqwe mönō edæ, Wængongui ængä beyænque quēwencæmöimpa, ante pönēnō ante mönō ewocate quēwengæimpa. ⁹Edæ Wængongui nänō ængui bate piinguimämo ante tömengä, Wii wæwencæminimpa, ante mönō imonte apænte ængacäimpa. Wæætē mönō Awēnē Itota beyæ tömengä mönō imonte ængä beyænque quēwencæmöimpa. ¹⁰Tömengä, Botō tönō quēwencæminimpa, ante mönō beyæ wængacäimpa. Ininque miī imō incæ wænte imō incæ mönō cōwē tömengä weca quēwencæmöimpa. ¹¹Mänömaī beyæ mīnitō iñömō do cæmini bai gomonga cædäni. Wampo pönencædänimpa, ante cædinqwe mīnitō wacä ingä wacä ingä ædæmō apænedinque, Æmæwo pægaimini inte tæi piñænte cædäni, ante odömonte apæneedäni.

**Mönō töninädäni inänite
Pabodo nänō änō**

¹²Nöwo mönitō töninämīni eñeedäni. Mīnitō imīnite iīmaī apænemönipa. Mīnitō weca nē nanguī odömonte apæneedäni iñönänite mīnitō tömēnāni inänite waa acæminimpa, ämönipa. Edæ Awēnē Itota apænte nänō ænināni inte tömēnāni, Mīnitō iīmaī waa quēwēedäni, ante mīnitō imīnite nē aadāni inänipa. ¹³Tömēnāni nāni cædō beyænque mīnitō tömēnāni inänite godömenque nanguī waa amini inte waadete pönēedäni. Mīnitō wacä ingä wacä ingä piyænē cæte quēwēedäni.

¹⁴Mönitō töninämīni eñeedäni. Mīnitō imīnite iīmaī ante ancaä ämönipa. Wæntæye inäni inänite wææ ante apæneedäni. Guiñente inäni wampo pönencædänimpa, ante tömēnāni inänite ædæmō apæneedäni. Æmæ pönēnāni tönō godongämæ cædäni. Wadāni tömānāni inänite mīnitō waadete ee cædäni ämönipa.

¹⁵Æcämenque ingante wadāni wēnæ wēnæ cædäni adinque mīnitō Baa ämīni beyænque mänināni wæætēdō wæætē näēmæ wēnæ wēnæ cædämaī incædänimpa. Wæætē wacä ingä wacä ingä cōwē waa cæcæmönimpa, ante pönēninque cæedäni. Ayæ wadāni tömānāni inänite adobaī cædäni.

¹⁶Mīnitō cōwē watapæ tote quēwēedäni. ¹⁷Wængongui ingante woyowotæ itædē apænete quēwēedäni. ¹⁸Mīni quēwenganca quīēmē bai ba incæte mīnitō cōwē Wængongui ingante waa ate pönēninque apæneedäni. Edæ Itota Codito nempo nē quēwēmini inte mäninō ante mīnitō beyæ ante Wængongui nänō änō impa.

¹⁹Wængongui Önöwoca nänō cæinō adinque mīnitō tömengä ingante ædō cæte, Cædämaī iē, ante wææ anguimīni. ²⁰Wængongui beyæ nē apæneedäni nāni apænedō eñēninque mīnitō badete todämaī quēwēedäni. ²¹Wæætē woadāni nāni apænedō tömānō ante eñēninque, Æbänō i, ante edonque eñengæimpa, ante cædinqwe mīnitō, Nö nāni änō i, Babæ nāni änō i, ante pönēninque do eñencæminimpa. Waa änō impa, ante eñēninque mīnitō mäninō ante ö ænte bai quēwēedäni. ²²Quīēmē wēnæ wēnæ cæquīi, ante adinque mīnitō Baa ante gomō aedäni.

²³Wængongui incæ nē piyænē cædongä inte pönō cæcä beyænque ædæmō tæiyæ waemō entawēmīni incæminimpa. Awēnē Itota mönō Codito tömengä nänō ponguinganca mīnitō iñömō Wængongui pönō cæcä ate mīnitō mimō incæ önöwoca incæ baonga incæ wēnæ wēnæ cædämaī incæminimpa. ²⁴Wængongui nänō nē apænte ænimīni iñöminite tömengä mīnitō imīnite cōwē pönēninque tömengä nänō änō bai ædæmō cæcæcäimpa.

**Pabodo, Waa quēwencæminimpa,
angampa**

²⁵Mönitō töninämīni iñömō eñeedäni. Mīnitō mönitō beyæ ante Wængongui ingante apæneedäni. ²⁶Mīnitō

pönencabo iñöminite mönitö tömämüni
 waa quëwencämüinümpa, ante waadete
 pönëninque ämönüpa. ²⁷Edæ Awënë
 Itota ëñëñongä botö münitö imüinite wææ
 ante, İi yewämöinta adinque münitö
 müni pönencabo iñöminite adocanque

ingante ämüni tömännäni ëñëñönäni
 tömengä adotaa adinque apäñecä
 ëñencädänümpa, ämopa. ²⁸Awënë Itota
 mönö Codito münitö imüinite waadete
 pönö cæcæcäümpa, ante botö mäninque
 ante yewämömopa.